



建康實錄卷第十三

宋下

中宗世祖孝武皇帝



世祖孝武皇帝諱駿字龍休幼名道民文帝第三子
 六歲以元嘉十二年封武陵郡王自江左已來襄陽
 未有皇子鎮太祖欲經略關河故以武陵王為雍泰
 荆江四州六郡諸軍事撫軍將軍雍州刺史三十年
 以西中即將移鎮西陽聞元兗全逆遂垂涕召沈慶
 之及僚佐等議初慶之統武陵軍事世祖在鎮元兗
 嘗密與慶之書令致世祖慶之入帝疑之稱疾不敢
 見慶之突入前以元兗書呈帝悲泣求入內與母
 別慶之曰下官受先帝厚命今日唯力是視殿下何

疑帝前拜曰國家安危在將軍也即日令勒兵處分
內外軍事一委慶之以主簿顏峻為諮議掌摠文書
議定慶之即戎勒兵峻乃進曰今步兵少力薄宜待
衆軍集慶之怒曰方興大事而黃口小兒參預此禍
至矣宜斬以徇峻懼再拜以謝慶之慶之曰君但知
筆札事庚寅使顏峻馳檄四方言劬兗異殺害君父
毒流王公卿士三月乙未建牙于軍門是日衆軍發
自西陽以寧朔將軍柳元景為都督前鋒丁酉軍次
尋陽四方征鎮不謀同舉所在雲集是時會稽太守
隨王誕以衆兵次于西陵劉秀之充前軍來會四月
己未武陵軍次于溧洲築壘歸者相屬時帝中風暴

疾殆將數旬顏峻懼聞於衆擁王於膝上親視起居
內外軍政室內經略間以文教書檄應接遐邇自舟
中甲士亦不知帝之危疾也壬戌柳元景衆軍大破
元兗等於新亭退至于澗劬軍人馬投澗死者不可
勝數澗水為之不流至今猶呼為死馬澗劬走馬還
臺城江夏王義恭自東堂與數十人出奔濟於冶渚
策馬詣新亭於馬上上疏勸進戊辰帝遷營于新亭
己巳百寮奉璽紋帝泣下固辭江夏王再拜三辭因
設壇即帝位于營所改新亭為中興亭下詔大赦天
下進文武爵位二等賞士卒各有差孤獨不能自存
者皆賜穀帛以江夏王義恭領太尉錄尚書六條事

給鼓吹班劍黃鉞進顏竣為侍中五月丙子擒元兇於太倉井庚辰減質以甲仗百人入守朝堂辛巳車駕幸龍舟遷于東府群臣請罪詔曰巨逆作亂人倫道盡王公卿士受制凶威事難勢屈無所追謝甲申尊所生路淑婉為皇太后詔褒故太子左衛率表淑和加殊禮贈侍中太尉謚曰忠憲公追死王事贈徐湛之散騎常侍司空謚曰忠烈公江湛散騎常侍左光祿大夫謚曰忠簡公王僧綽謚曰忠愍侯以柳元景為前鋒軍申午初謁長寧陵追贈卜之興龍驤將軍六月丙午謁太廟還登太極殿哭盡哀百官陪位莫不下淚初置殿門及上閣門屯兵丁亥詔諸司薄

已厚民去煩從簡悉宜施行辛未大紀勲行賞封南譙王義宣為南郡王隨王誕為竟陵王各五千戶封減質始興郡公沈慶之南昌郡公柳元景曲江公各三千戶宗慤洮陽侯劉延孫東昌侯顏竣建武侯各二千戶徐遺寶益陽侯五百戶庚子復置南兖州丙子使兼散騎常侍巡行天下蠲尋陽租布三年己亥立皇后王氏丙申置衛尉官詔使建平王宏迎皇太后于尋陽庚子上謚大行皇帝廟號太祖秋七月辛丑朔日有蝕之辛酉下詔任百姓捕貴戚不得執利壬戌皇太后至自尋陽八月乙亥以王僧達拜護軍將軍僧達時自負才地不稱所望遂上表陳諍曰

臣有志於學無獨見之敏有道在身無偏監之識固不足以達言治世備辦時宜竊謂當今之務唯在先卹庶心從民之欲如使臣享厚祿居重榮衣狐望能而無事於世者固不能安也護軍之任不敢處書奏帝：知其不愜志甲午以魯達為征虜將軍吳郡太守封營道侯九月壬寅侍中謝莊上疏宜大臣各舉所知以付尚書依分銓用若任得其才舉主延賞有不稱職宜及其坐凡所蒞民之職宜遵六年之限初太祖代限年三十而仕郡縣六周及選代刺史或十餘年至是時皆易之仕者不拘長少蒞民以三周為滿故莊復表論之冬十月癸未聽訟于閱武堂瑯琊

獻白鹿高麗使貢方物十二月罷却水使者置水衡令官

孝建元年春正月乙亥朔拜南郊大赦改元壬寅立皇子子業為皇太子賜天下為父後者爵一級孝悌力田有差詔長史勸盡地宜務農食舉孝秀凡棄產業而竊榮位者皆禁錮還田里尚書百官之本曹局事無巨細悉令歸諸令僕詔中書錄事參軍周勔獻謹言曰男子十三至十七皆令學經十七至二十盡使修武女子十五不嫁宜坐家人地堪滋養悉種麻稻巷陌悉樹桑柘列庭皆植竹栗宮掖金翠工人奇伎淫器皆請焚之錦繡羅縠小民皆不得服帝王子

帝弟何必長史參軍但宜置賓師傳官以輔之是月
新作正光殿詔鑄四銖錢時車騎將軍江州刺史始
興公減質握彊兵據衝要輒散鈞礮倉米心慚不安
乃要豫州刺史魯爽兖州刺史徐遺寶司州刺史魯
秀等說南郡王義宣曰夫有震主之威能全衆者萬物
係心於公聲跡已著見機不作將為他所先今命徐
魯驅西北精兵來屯江上質帥九江樓艦盤據中流
為公前驅天下已半公以八州大衆鳳翔雲動龍舟
徐邁虎視川陸雖韓白更生亦不能為建業之計少
主失德天下聞之沈柳小將不足為意夫不再至者
年齒也不可失者徐魯也質常恐先朝露填溝壑不

得養其膂力為公掃除雖悔黃泉復何及也義宣許
之使報魯爽徐賓於壽陽爽等殺長史韋處穆登
壇自進號征北大將軍戴黃標遺法物命書二札一
曰丞相劉今補為天子名義宣二曰車騎將軍臧今
補為丞相名質使戶曹宋興報歸江陵使京師誓
其親屬二月己巳朔有流星大如月西行辛未丞相
荆襄二州刺史南郡王義宣舉兵反自號建平元年
乙亥曲赦司豫二州加柳元景撫軍以王玄謀為豫
州刺史輔國將軍師次梁山三月癸亥內外戒嚴假
江東王義恭黃鉞都督衆軍辛丑柳元景為雍州刺
史出次採石以沈慶之為鎮軍將軍率安都西討魯

建康實錄
卷十三
六
爽夏四月丙戌左將軍薛安都等大破魯爽於小岷
斬首傳京師豫州平丙子慶之還師以益元景次于
南州五月甲辰義宣至蕪湖而臧質逼梁山使謂義
宣曰今日萬人次南州則梁山中絕萬人守梁山王
玄謀必不敢出下官中流鼓棹直趨石頭此上策也
義宣不用質計畫銳攻梁山陷其西壘王玄謀使崔
勳之來救皆沒王師大懼元景聞之欲卷甲赴之相
護之諫不如分兵為援將軍自鎮南州元景乃留老
弱自守悉其精卒多張旗幟向梁山甲寅王玄謀帥
衆軍與臧質大戰于梁山質敗走義宣自蕪湖赴焉
玄謀縱兵苦戰薛安都繼出乘之賊等大敗舩舫鱗

沓相護之命火焚之時東風急火猛延燒西屯兵義
宣單舸南走閉航而泣是日相護之朱循之等帥師
南定遺寇乙未解嚴六月臧質走歸尋陽焚府舍盡
家西向武昌無所據投於南湖摘蓮實為食戊辰追
兵至南湖質急投水中折荷蒙首軍士遥射之貫腸
腹出統蘊藻就斬之傳首京師子孫皆棄市而漆首
藏於府庫甲戌大論功計賞進柳元景沈慶之並大
將軍儀同三司進王玄謀前將軍封曲江侯來循之
荊州刺史西昌侯庾寅循之至江陵殺義宣并其十
子餘黨竺超民徐壽之等詔絕義宣屬籍廢為庶人
癸未分揚州浙江東五郡為東揚州治會稽而揚州

仍領十五郡又分荆襄江等三州八郡為鄂州治江夏罷南蠻校尉遷其營于京師戊子詔罷錄尚書秋七月丙申朔日有蝕之是月會稽大水平地八尺冬十月熒惑祀進賢里戊寅褒孔子同諸侯之制寢廟合祭祀丁丑置安陸郡屬郢州初令上侯內史相及封內官長不臣於封君罷官不追諸王在鎮常行不過六隊車輿不得油幢聽事不得南向施帳幡國臣不得跣登國殿傳命不得朱服郵扇不得雉尾十一月癸未詔褒侍中張敷孝道淳深改其所居曰孝張里復置郡都水使者官是月始課南徐州租甲申甘露降長寧十二月徵朱年為太子舍人會稽人也以

孝行聞初母以冬亡殮衣無絮年終身不衣綿隱居會稽山南以樵採為事每束柴置路間隨取者任留價而去

二年春二月婆皇國遣使貢獻丙寅始興公沈慶之請老歸帝聽以公就第月給錢十萬米百碩使何尚之豫往累陳上意慶之笑曰沈公不學何可往而復來尚之有慙色夏四月司馬石亡命反於淮南推立夏方進為主改姓李名弘以惑眾豫州刺史王玄謀討平斬之懷汝間壬午以王玄謀為雍州刺史以交州刺史檀和之為豫州刺史初和之在交州有威名盜賊屏跡獨出獵虎狀不敢起故帝用以鎮懷汝秋

七月鎮西將軍郢州刺史蕭思話卒贈開府儀同三司謚穆侯八月庚申征虜將軍雍州刺史武昌王渾在襄陽與左右戲造書檄自署為楚王號元光元年置百官長史王翼之得其檄封奏帝使中書舍人戴明寶往責之有司奏廢為庶人自殺時年十七九月己巳朔齊郡廣饒縣上言嘉禾生異畝同穗丁亥閔武于宣武塲詔孝建元年己前罪不放悉聽還本犯釁家子弟隨才置吏十月壬午徵江夏王義恭為揚州刺史以建平王宏為中書令十一月戊子王僧達上表自解帝以辭不遜付門下免官三年春正月辛丑祀南郊以驃騎將軍建昌公劉彥

之衛軍將軍新建文宣侯王華豫寧文侯王曇首配食太廟壬子皇太子納妃何氏二月辛未策孝秀于東堂是月丁丑初制朔望臨西堂接群臣受奏事是月豫州刺史檀和之卒贈安北將軍謚壯侯閏三月己丑白兔見平原獲以獻癸酉鄱陽王休業薨文帝第十子董美人生夏四月初禁民車及酒器用銅戊戌太白犯輿鬼秋八月甲午太白入心五月辛酉初令荆雍豫兗徐青冀等七州養馬復其賦役六月未聽訟于華林園秋八月太常顏延之卒贈特進謚獻子九月壬子詔顏峻右將軍丹陽尹峻固辭表十奏帝乃許使中書舍人戴明寶抱峻登車載之却

舍賜以布衣一襲四年正月辛亥朔改元為大明元年大赦賜高年孤寡 各有差辛未使、巡行賑

貸三月壬戌初命大臣加班劔者不得入宮城門時梁獠請內屬以為 郡夏四月京師疾疫丙申使、

給醫藥死無以為殮者官為埋殯五月壬子紫氣出景陽樓狀如煙迴薄久之詔改景陽為慶雲樓戊午

嘉禾一株五莖生清暑殿鵠吻中六月丁亥以顏竣為東揚州刺史劉秀之為丹陽尹

案宋略秀之從子維性剛猛有才氣素輕易之時仕吳興太守聞秀之為丹陽尹書與故人曰吾家黑面阿秀乃居劉安泉處朝廷不為多士 庚子白兔見即墨獲以

獻秋七月京師獲三脊茅江夏王義恭率百官請奏封禪事奏曰陛下睿孝締基靈武繼業道溢興躬功

先復禹日者河鏡海湛景曜階平祥浹郊林氣凝宮沼伏願俯藉民心仰協軋意威風后詔百辟下齊郊

掩羸里壇集神光山稱萬歲臣生屬吉辰方待大禮帝猶謙讓辛未以并雍二州三郡十六縣開一郡、

四縣刺史王玄謀請斷流民當時不願屬籍罷之或謗玄謀反玄謀馳使白啟帝帝報曰梁山風塵初不

分意君臣之際過足相了卿復伸卿眉頭玄謀為人性嚴少笑眉頭常不伸故帝以此戲之八月甲申青

州上言嘉禾生異畝同穗戊戌 平郡屬宛州

冬十月丙申詔有懷誠抱志擁 失理負謗未聞朝聽者皆躬自申奏聽政之日朕親覽焉

二年春正月丙辰復郡縣田 并九親祿奉三月丁未建平王宏薨贈侍中給班劍二十人謚曰宣簡乙未停太官膳牛以農時也夏四月辛丑地震五月戊申吏部尚書何偃卒贈光祿大夫謚靖子六月戊寅增置吏部尚書一人罷五兵尚書徙都官尚書謝莊為吏部尚書帝惡選官權重故分曹以減其勢乙卯有司奏晉陵余齊民少俊孝行改所居為孝義里秋七月甲辰彭城民高閣自云見龍出于井中當資謀反為天子事覺伏誅己酉太白入東井八月丙戌帝以高閣事詔收王僧達下獄賜死九月庚戌置武衛將軍武騎常官侍

三年春正月夜通天薄雲四方生赤黃氣長三曰尺乍見尋皆滅二月乙亥以揚州六郡為王畿并東揚州治會稽將置司隸以元兗嘗置故止甲子復置廷尉監官三月土守牽牛己亥司空竟陵王誕殺兖州刺史相閻據廣陵城反己巳內外戒嚴以車騎大將軍開府儀同三司沈慶之為南兖州刺史帥師北伐豫州刺史宗慤徐州刺史劉道隆並引軍來會司空叅軍何康棄母踰城出降

案宋略康時為竟陵王府叅軍聞沈慶之逼招范義

曰事必不振于將行乎

義曰子不可以背母義不可以棄君人生若何康曰遂弃母出降誕聞之怒為

康絕食

為己而死

辛亥誕燒

郭邑驅居民於城內癸丑慶之至廣陵長圍誕連戰敗乃自登城巡師因呼慶之曰沈公君垂日之年

何苦來此慶之曰朝廷以君不足煩少壯故老夫來耳帝乃封送章及二劔授慶之其一曰章陵縣使千戶募擒劉誕二曰建興縣侯百戶募登詔慶之立烽於桑里剋外城即舉一烽剋內城舉二烽擒誕舉三烽甲子帝御六師出宣城夏五月建城侯顏竣死於獄中七月己巳沈慶之克廣陵斬皇弟誕傳首京師殺城中男口五千餘人婦女為軍賞其刑者皆先鞭其面乃斬其首歸淮濱以築京觀貶誕族為留氏誕字休文文帝第六子母殷脩華遷驃騎將軍都督南兗州諸軍事以好士見疑心不自安遂據廣陵反誕初脩武城自出巡檢功人或大呼曰大兵將至

何以為辛苦百姓執而問曰廣陵人姓夷名孫云大禍將至何不立六順門誕曰六順門何也荅曰古語有之禍不入六順之門誕殺之將舉兵兵士初夢人告之曰取宮髮為稍眊既覺問如是數十人誕又經自夜坐有光滿室誕深惡之而不自免辛未大赦天下解嚴王畿內貧者蠲租布一年八月丙戌分淮南北復置二豫州九月月在胃而蝕己巳詔無留獄壬辰初築上林苑于玄武湖北今縣北十三里見有古池南俗呼為飲馬塘其西見有望宮臺冬十月詔來歲可使六宮嬪妃脩親桑之禮十一月重譯獻楛矢石弩西城獻舞馬十二月辛未初置謁者僕射

宮

四年春正月乙未祀南郊帝耕籍田大赦天下逋租宿債一切原除孝悌力田隨才擢用鰥寡孤獨賜穀有差三月庚申皇后躬桑于西郊夏四月癸卯以南瑯琊郡諫王畿五月月入太微丙申尚書左僕射褚湛之卒贈特進謚曰敬侯庚寅以南下邳郡併入彭城六月太白犯井秋七月甲戌左光祿大夫開府儀同三司何尚之薨贈司徒謚簡穆公十月流前廬陵內史周助于寧州道殺之助字義利汝南人少愛竒以江夏王太尉府參軍累遷廬陵內史因獵火逸燒郡廨屋以私財償之初助奏說言帝銜之及丁母憂

便誣助失喪禮遷之將行朝無送者唯侍中蔡興宗獨往造別帝怒左遷興宗十二月戊辰改細作署令為左右御府令丙戌復置大司農官丁未倭國遣使貢獻

五年春正月雪戊子花雪降江夏王衣散為六出有司奏以為瑞帝悅之庚寅彭城民孫薛亡軍當斬其兄棘詣郡請身代弟曰棘為家長弟之逋逃罪由棘也且亡母遺命以薛最少為屬今乞與身代薛亦請曰薛三歲喪父所恃者兄兄雖怜薛何忍兄弟二人爭死未定刑棘妻出謂棘曰君當門戶豈可委罪季叔且先姑臨終叔為累竟未婚立家道君今

已有二兒死復何恨彭城太守張異而奏之帝詔
原薛罪加兄棘 巳酉新昌獻白孔雀二月閱武

于玄武湖西三月甲戌 使：祭太保華容公

王弘寧文侯王曇首於墓是夜 星西流夏五月嘉

瓜生建康蔣陵里丹陽尹王僧朗表獻之癸酉初制

宗室碁親月 壬戌南徐州獻白鹿是月新

作明堂于丙巳之地始宗祀皇考太祖文皇帝於明

堂以配上帝六月赤烏見蜀郡益州刺史劉思孝獲

以獻壬子分廣陵置沛郡有東平郡併入廣陵八月

戊子封皇子為郡王乙丑詔來歲可脩葺序旌延國

胄庚辰初令方鎮所假白板郡縣依臺除食祿三分

之一九月甲寅日有蝕之丁卯幸瑯琊郡訊獄甲戌

遷南豫州于淮南庚戌河濟清閏月戊子皇太子妃

何氏薨丙申初築馳道自閭闔極大航北自承天門

抵玄武湖冬十一月丁酉增置少府丞一人巳巳廿

露降新安王第甲戌初令民戶輸布四疋是歲始懷

士族雜婚者補將吏於是民多逃亡王役弗增而盜

賊代起侍中沈懷文固諫不聽

六年春正月辛卯祀南郊乙未置五官中郎將左右

郎將官是月策秀孝子于中堂楊州秀士顧法秀對

制問曰源清即流深神勝則形全躬化易於上風體

訓甚於草偃上覽之疾其諒也投策於地二月月犯

左角戊午甘露降於京師乙未復百官秩五月改豫州之南梁郡為淮南郡以淮南故郡併入宣城于姑孰丁未侍中廣陵太守沈懷文以正左遷下獄死丙午青雀見華林園夏四月新作朱雀門淑妃殷氏卒贈貴妃謚曰寧班亞皇后丙戌初置陰室于覆舟山修藏冰之禮六月辛酉劉延孫卒贈司徒給班劍三十人謚文穆公秋七月甲申地震有聲如雷八月辛未青冀二州刺史劉道隆表嘉禾生樂陵縣界乙亥置青臺令初武帝自永初迄于元嘉多為經史之學自大明之代好作詞賦故置此官考其清濁冬十月壬申葬宣淑妃殷氏于龍山十一月己卯會稽太守

張暢卒謚宣子初暢愛其弟子輯臨死欲與合葬論者謂張少微於是乎黷至愛莫若父子同穴可乎

七年春正月癸未詔於玄武湖大閱水軍并巡江右講武校獵時常多狎遊置酒高會酣適之間多詬辱朝士嘗嘲王彧以其父諱吏部郎江智淵正色曰陛下進人以禮無宜此戲帝怒曰卿江僧安兒居然相惜智淵伏涕自是詬之無度智淵不堪其恥退而自殺癸巳以王畿之內郡屬南徐州二月甲寅車駕西巡濟江立行宮于歷陽蠓石浦丙辰詔使祭南嶽霍山大蒐于烏江縣榜口癸未祭六合山庚申分秦郡歷陽置臨江郡即所在也壬戌饗于行宮大赦天

下行李所經免今年租布賜民男子爵一級女子百
戶牛酒巡問疾苦如有一介之善隨才銓用癸亥幸
尉氏縣觀溫泉三月汝南獻白鷺夏四月詔非臨軍
陣不得專殺於是月大風折和寧陵華表秋七月乙
酉高麗王高璉為車騎大將軍開府儀同三司八月
南徐州獻白龜時大旱自四月不雨至于是月詔太
官徹膳大赦天下自大明七年已前一切放免親幸
秣陵訊獄囚冬十月壬寅太子子業冠于太極前殿
賜王公已下帛有差丁未車駕南巡百姓有冤厄屈
滯皆聽自面朕陳訴自江寧縣南登山及陵望臺甲
子館行宮于南豫州城丙寅聽政于行所十一月丙

子小會行所登白紵山使祭晉大司馬相溫毛璩
等墓置守塚三十戶訊溧陽獄囚於行所戊子幸梁
山詔為山下征元兇軍士戰死者舉哀加賞賜三世
後除癸巳登梁山大閱水軍於中江二白雀集于華
蓋十二月立雙闕于梁山

八年春正月宗祀于明堂安北將軍雍州刺史劉秀
之卒贈侍中謚忠誠公二月辛丑領軍朱循之卒贈
侍中特進如故謚貞侯時大旱七年不登迄乎是歲
三吳尤甚米有價無糴所富人實珠玉錦繡相交枕
死於道路建康秣陵兩縣為薄粥賦之前年會稽兩
績於山澤績初如紵晚似地毛至是飢人將拾死不

能橫屍原野如亂麻焉己亥詔公卿致祭山嶽祈
兩以糝穀種付以東諸郡縣四月兩雹荊州獻雉詔
揚州立左學於山陰置儒林祭酒各一人壬子以吳
郡太守顧悌之為吏部尚書加給事中乙卯帝寢疾
顧命江夏王義恭為中書監柳元景為尚書令事無
臣細悉關二公其典師旅悉沈慶之尚書事委顏師
伯外監事委王玄謀五月庚申帝崩于玉燭殿秋七
月丙午葬景寧陵在今上元縣南四十里巖山之陽
帝年二十五即位立十一年年三十五謚曰孝武皇
帝廟號世祖

少帝

少帝諱子業字法師孝武長子也元嘉二十六年
月甲申生三十年元兗全逆世祖討之被囚于侍中
下省江夏王義恭保護之世祖即位為太子大明三
年始出居東宮八年夏五月庚申世祖崩是日即皇
帝位大赦天下文武進位有差六月有流星大如斛
赤色有光照見人面尾長一丈從參北出東行直下
經東井通南河沒戊寅復分宣城為淮南郡復淮南
為梁山郡七月癸酉尊皇太后為太皇太后皇后曰
皇太后居永訓宮乙卯罷南北二馳道丙辰追崇獻
妃何氏為獻皇后己丑皇太后崩于含章殿九月乙
卯祔葬孝穆皇后于景寧陵冬十月太白守房十二

月乙酉復王畿為揚州浙江已東為東揚州

永光元年春正月乙未朔大赦改元二月己巳初減

郡縣祿秩之半戊午詔賜沈慶之執仗三望車給親

信三十人甲申月入南斗庚寅初鑄二銖錢夏六月

庚午熒惑入東井光祿大夫宗慤卒贈征西將軍謚

肅侯秋七月己酉有星入紫微經北極八月辛酉誅

越騎校尉戴法興壬戌帝始親政事狂暴益甚內外

危懼柳元景顏師伯等欲廢帝而立江夏王以告沈

慶之慶之與王素不叶遂發其事於帝癸酉帝自率

宿衛兵殺太宰江夏王義恭於第及諸子義恭高祖

第四子姿質端麗高祖特愛之帝即位封為江夏王

出為荆湘等八州刺史性褊急朝廷為書戒之曰拘

忌褊心魏武之累豁達大度漢祖之德元嘉十六年

進位司空錄尚書二十一年入為太尉元兗今上逆進

位太保世祖討元兗至新亭元兗殺其子十二人世

祖即位拜太傅兼尚書令性嗜不恒奢侈無度曾市

百姓物無錢可還有通辭求錢者輒題後作原字及

帝無道柳元景等欲立王帝知自率兵殺之時年五

十三使二扶出義恭晴漬於蜜中謂之鬼目名柳元

景以兵殺於都街又殺顏師伯於路案宋畧初世祖性急朝

臣不臣世祖之朝見之矣
後江夏王與顏柳私相賀曰無橫禍矣及山陵後王公大臣擊酒馳逐不捨晝夜及少主兗恃內外憂懼人不自安不能輔之德義而欲謀之廢立語有之曰君不君

景和元年文武各進位二等乙亥詔天下秀孝隨才
擢用帝釋素服御錦衣庚辰罷東揚州以石頭城為
長樂宮東府城為未央宮甲戌以北邸為建章宮南
第為長陽宮乙未復南北馳道九月丁卯幸湖熟縣
始奏鼓吹甲辰廢撫軍將軍南徐州刺史新安王子
鸞為庶人發宣貴妃殷氏墓追憾世祖將掘景寧陵
太史奏於帝不利乃止案宋書新安王子鸞殷淑妃所生世祖盛寵貴妃素疾帝常欲廢之故帝追恨矣是
日詔收吏部尚書謝莊初貴妃薨世祖詔莊為誅曰
贊軌堯門方漢鈞弋帝在東宮怨之及此下獄謂曰
卿當彼時知有東宮否戊申徐州刺史義陽王昶聞
江夏王之誅恐舉兵將襲帝聞喜曰自我即位未

曾戒嚴令人悒己酉內外戒嚴徵兵北伐以沈慶
之為前驅昶聞王師來內無親附遂棄家而載愛妾
出彭城北門奔後魏戊午詔親往彭城將耀威宋野
是日於白下濟江幸瓜步城初聽民私鑄錢沈慶之
請也十月丙寅帝旋于京師庚辰爵宮人謝氏為貴
妃夫人加虎賁釵戟蓋輅龍旗出警入蹕實帝姑新
蔡公主也出嫁何邁帝召還宮偽稱主薨宮婢殯之
歸於何氏邁見公主納心不安恐禍及乃結惡少伺
帝出入將執廢之謀泄十一月帝自率兵誅之案宋書

室子女淫蕩率多剛躁尚高祖女廣陵長公主下獄死藻父偃初亦尚世祖少
女永嘉公主公主偃縛之庭樹時天寒夜雪嚙凍久之偃兄排問詔主得
免于時貴門子弟咸以尚主為憂邁素豪俠好發已始與公沈慶之
劍士出入從者滿路及主被納故懼而見害

薨贈侍中太保給銜輅輜輶車前後部羽葆鼓吹謚忠信公甲戌進帝姊山陰公主性淫泆無禮甚嘗謂帝曰妾與陛下男女雖殊俱託體先帝陛下六宮萬數妾唯一駙馬事不均平乃何如此帝為主置面首左右三十人朝士表慈孫吏部褚淵等美於兒公主常請帝求十月淵等奉詔往而終不渝帝促慈孫迫之使走慈孫雖走如常顧而言曰風雨如晦鷄鳴不已公主出就淵淵竦立主曰觀君髭鬚乃丈夫何無男子之氣淵曰不敢以為亂階時少主凶悖多殺害喜怒不常于時通官大臣日被今上御名成朝廷危懼內外騷然東海建安湘東山陽等四王皆帝叔也嘗被

拘錄號建安曰鍛王山陽曰賊王湘東尤肥曰猪王鑠而籠之湘東嘗失音帝勅左右屠猪建安王紹護之曰猪未可殺帝曰何對曰應待太子生取其肝肺帝喜勅付廷尉壬寅立皇后路氏案宋書路道慶女也始用金石之樂十一月丁未太白犯眾星皇太子生是月大赦

天下

案宋略太子少傅劉蒙之子也聞蒙之妻在坐召入宮既生子男將立為太子

太史始奏湘東有天子氣帝將南巡以獸之刻取明旦誅四叔乃行諸王

見幽日久計無所出乃與阮佃夫李道兒等陰謀執帝時直閣將軍柳先世與姜產亦有此謀未知所立及聞佃夫所說遂告中書舍人戴明寶明寶響應誣言華林後堂有鬼十一月戊午夕帝同建安王山陽

王山陰公主向華林後堂自射鬼直閭將軍宗越童
太一譚金乃帝腹心也並宿于外主衣壽寂之姜產
乃懷刀以入弑帝、驚引弓射寂不中寂乃刃帝而
死時年十七即位一年見殺既而殿省倉卒未如所
為建安王休仁就秘書省延湘東王湘東王跣至西
堂升御座召朝臣稱太皇太后令數少帝子業忍酷
害大臣不堪君臨萬國以衛軍湘東王體自太祖可
繼宗廟社稷庚辰葬少帝于南郊壇誅同產豫章上
子尚出山陰公主初王太后疾篤遣呼帝、曰病人
間多鬼那可往太后聞之語侍者曰將刀來破我腹
腸鄒得生如此兒既居尊位凶狂非分每召諸王妃

主列於前以配左右南平穆王游猷江氏不受命帝
怒殺其三子而鞭妃一百

建康實錄卷第十三



